

# Hangarau Kaupae 1

## Te Pūrongo Aromatawai ā-Waho 2024



|                          |                   |
|--------------------------|-------------------|
| Te Marautanga o Aotearoa | Hangarau          |
| Te Rā Aromatawai         | 30 o Oketopa 2024 |
| Te Momo Aromatawai       | He Kete Manarua   |
| Ngā/Te Paerewa Paetae    | 92054, 92055      |

### Te Wāhanga 1: He Tirohanga Whānui

E mihi ana ki ngā mahi ā ngā ākongā.

92054 - Kei tēnei paerewa paetae, he aro pū ki te rawa ake, arā te rawa ka whakamahia hei whakaputa hanga hangarau. I te tau 2025, he Tūmahi Aromatawai Pātahi (TAPā) kē te momo Aromatawai ā-waho.

92055 - Ko ngā ākongā i whaia te kaupapa matua hei ārahi i ngā mahi mō ngā paerewa paetae Hangarau ā-roto, ā-waho hoki, nā te ruku hōhonu ki te kaupapa kotahi, i eke panuku, i eke Tangaroa.

### Te Wāhanga 2: He kōrero mō te Paerewa

#### 92054: Te whakamārama i te rawa hangarau

##### Te Aromatawai ā-Waho:

Ka kōrerohia e te ākongā te rawa ka whakamahia hei whakaputa hanga. He whakamātau, he whakamahi, he whakamātau anō hoki. He kohikohi i ngā kōrero tuku iho e pā ana ki te rawa.

##### Te Tirohanga:

Ka aro pū ki te rawa ka whakamahia e te ākongā hei whakaputa hanga. Ka rapua ngā kōrero tuku iho, ngā tikanga, ngā tukanga mahi, ngā pūkenga hoki ka whakamahia. He whai whakaaro hoki ki ngā momo rawa e taea ana te whakamahi. He tirohanga ao tawhito, he tirohanga ao hou hoki. Kia whai whakaaro hoki ki te toitūtanga o te rawa.

## **Pūrongo Paerewa Paetae:**

Ko ngā Ākonga i eke ki te **Kairangi** i te paerewa paetae nei:

- he hōhonu te puna kōrero.
- i hāngai pū ki te rawa.
- i whakamahia te kōrero tuku iho hei parahau i ngā whakataū.
- i matapakihia te āhua o te rawa.
- he kaupapa tāmiro mā te whakahāngai i te rawa ki te hangarau taketake 1.1 ā roto, tūkanga hangarau 1.2 hoki.

Ko ngā Ākonga i eke ki te **Kaiaka** i te paerewa paetae nei:

- he pāpaku te puna kōrero.
- i whakauruhia ētahi kōrero mō te rawa me ngā āhuatanga e hāngai ana ki te āheinga hanga.
- i whakamahia ētahi puna tautoko, puna kōrero rerekē.
- i whakamahia ētahi momo taunakitanga rerekē.

Ko ngā Ākonga i eke ki te **Paetae** i te paerewa paetae nei:

- he waihōpuapua te wai kōrero.
- I tautohua te rawa.
- He kōrero tuku iho ruarua noai ho i torotorohia.
- He ruarua noa iho ngā momo taunakitanga.

Ko ngā Ākonga **Kāore i whiwhi** i te paerewa paetae nei:

- Kua mimiti te wai o te puna kōrero.
- He iti noa iho, kāore rānei he kōrero mō te rawa.
- He whakaahua anake, kāore he kōrero whakamārama.
- He rawa tauwi anake. Kāore e hāngai ana ki te hanga.
- Kāore he kōrero tuku iho.
- I whakamahia ngā kōrero mātauranga ā-tauwi hei taunakitanga.

## 92055: Te whakaputa hanga hangarau

### Te Aromatawai ā-Waho:

I whakatauhia e te Aromatawai ā-waho mā te ākonga anō tana kaupapa e whakatau. He whakaputa hanga hangarau hei whakaea i tētahi hiahia motuhake te aronga matua.

### Te Tirohanga:

Ko ngā ākonga i eke ki te kairangi, i tāmirohia ngā paerewa paetae ā-roto, ā-waho hoki, ā, i whakahāngai ngā paerewa paetae katoa ki roto i te kaupapa kotahi. Ka kitea rawatia te whanaketanga o te hanga hangarau mai i te kōrero tuku iho mō te hangarau taketake (1.1), tētahi tukanga hangarau (1.2), te rawa hangarau (1.3) me te whakaputa hanga hangarau (1.4).

### Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- he kaupapa matua te tūāpapa hei ārahi i ngā mahi paerewa paetae ā roto, ā waho hoki. (TĀMIRO)
- he kounga te whakaputa hanga hangarau hei whakaea i tētahi hiahia motuhake.
- he tikanga, he kōrero tuku iho me te hononga ki te kounga o te hanga hangarau.
- he kōrero tō te taonga. He pūrangiaho te kite, nā te taonga anō i whakaatuhia.
- he kounga te hanga, he kounga te hāngai ki te hiahia motuhake.

Ko ngā Ākonga i eke ki te **Kaiaka** i te paerewa paetae nei:

- he whakaputa hanga hangarau whaitake
- he kōrero tikanga, he kōrero tuku iho me te hāngai ki te hanga hangarau whaitake.
- he kōrero mō te hiahia motuhake.

Ko ngā Ākonga i eke ki te **Paetae** i te paerewa paetae nei:

- i whakaputa hanga.
- i kōrero mō te hiahia
- he paku kōrero e pā ana ki tētahi tikanga, tētahi tukanga, tētahi kōrero tuku iho.

Ko ngā Ākonga **Kāore i whiwhi** i te paerewa paetae nei:

- Kāore i oti i te ākonga te hanga.
- He iti noaiho, kāore rānei he kōrero mō te hiahia motuhake.
- Kāore he whakamārama mō te hanga.